



UKA2018/199

Tillie Martinussen

8. oktobari 2018

Imm. 199

Uunga siunnersuut: Ilisimatusarfik pillugu Inatsisartut inatsisaat nr. xx, xx. xxx 2018-imeersoq.
(Ilanniartitaanermut, Kultureqarnermut, Ilageeqarnermut Nunanut Allanullu Naalakkersuisoq)
(Siullermeerneqarnera)

(Tillie Martinussen, Inatsisartunut ilaasortaq, Samarbejdspartiet)

Inuaqatigiit suulluuniit allanngoriantorput taamaattumik pissusissamisuuginnarpoq sulliviit
inuaqatigiinnut atasut aamma naleqqussartarnissaat inatsisitigut. Suleqatigiissitsisuniit allannguutissatut
siunnersuutigineqartut tikilluaqquagut.

Taamatulli oqareerluta inatsisip allannguutissaattut siunnersuut pillugu imatut naatsumik oqaaseqassaagut.

Qularinngilarput Ilisimatusarfik pimoorusilluni ilisimatusarfittut ineriartorneq pillugu malittarisassanik
naliginnasunik malittarisassaqassasoq aamma Ilisimatusarfip inatsisitigut tunngavii, soorlu sullivinni allani
siuariartuni taamaattoq, soorunami pinngitsooratik naleqqussartariaqartassasut.

Taamatulli oqareerluta Suleqatigiissitsisuni isumaqarpugut kiffaanngissuseqarluni ilisimatusarneq
ilisimatusarnerni tamani siuariartortuni tunngaviusoq taamaasillunilu inuaqatigiinnik ilisimatusarfip
avatangiisiinik aamma ineriartortitseqataassasoq.

Tamanna tunngavigalugu angisuumik eqqarsarnartoqartipparput siunnersuummi matumani
Naalakkersuisut anguniarmassuk Ilisimatusarfik pillugu angusaqarnissamut Naalakkersuisut
isumaqatigiissusioratalernissaat. Naallu siunnersuummut matumunnga oqaaseqaatini
oqaatigineqareeraluartoq toqqaannartumik akuliuttanginnissaq soorunami ataqqineqarumaartoq assut
qularpugut.

Suleqatigiissitsisuni isumaqarpugut Ilisimatusarfip, ilisimatusarfittut pimoorussusisutut soorunami
ilisimatusarnermut tunngatillugu pingaarnersiuinerit nammineq aqulluarsinnaagai.

Tamanna tunngavigalugu inassutigaarput siunnersuut ataatsimiititaliamut ingerlateqqinnejassasoq tassani
isummerfigeqquillugu Ilisimatusarfik angusaqarnissamut isumaqatigiissusiorfigineqartalissanersoq.